



Ассаламу аьлайкум, дустал

ХХЯХХА БАРГЪ

Лакрал райондалул кказит. Ига бакълай 97-сса шин.

12+

«ЗАРЯ»

Нюжмар
14 август
2020 ш.

№35

www.zaria-online.ru
gazetazary@mail.ru

Батлаву

Налогру ратлавлрил ва цинци дичаврил масъаларду ххалбивгъунни

Августрал 6-ний райондалул администрациялий хъунни совещание. Муний ххалбивгъунни укунсса масъаларду:

1. Райондалийсса ишбажаранчитурая гъашину арулва зурул мутталий налогру раттин ккаккан дурсса планну биттур даву.

2. Ичлаллил ххиличлурдалсса баврил даву.

Совещание дачин дурну ия, райондалул администрациялул баклчинал цалчин-

ма заместитель Абубакар Къюнуев.

Совещаниелий гурту хъунни МВД-лул Лакрал отделедалул начальник М.Рамазанов, лакрал клирагу райондалул прокурор-

нал буржру биттур буллалисса А.Оьмаев, РД-лул Роспотребнадзорданул Ккуллал райондалийсса кланттул управлениелий каялушиву дуллалисса Л.Сулайманова, администрациялул баклчинал заместитель

М.Макъсудов, ххиличлурдалсса шярваллил хозяйстволул ва экономикалул отделедалул начальник М.Къадиев, мукунма райондалийсса учреждениердай ва организациярдай каялушиву дуллалими.

Цалчинмур масъалалин багъайсса доклад бувна Макъсуд Къадиевлул. Яла ххалбивгъуна райондалул муниципалитетрал бюджетравун дуллакисса кланттул налогру ратлавлрил масъала ххуй бансса ххуллурду. Хлукму бувна му чулухуннай бувчин баврил даву дачин дан.

Мукунма ххалбивгъуна ичлаллил къянкъасса

байсса региондалул операторнал масъалагу.

Совещаниелий клици лавгуна щаллу къавхъуну ливчлсса масъаларду ва ми барбигъинсса ххуллурда.

Администрациялул хладур дурну дия ичлаллил ххиличлурду дичайсса кланттурду ххуй бансса, цинци дичай бакру бишинсса, ми бусса кланайн хасъсса техника гъансса сант щаллу дансса план.

Совещаниелий ххалбивгъуасса масъалардайн бувну хасъсса ялувбихъурду бувна, ми биттур бансса члунгу ккаккан дурну.



Цинилгу агъамсса масъалартту ххалбигълай

Нанисса шинал августрал 6-ний райадминистрациялу хъунни «Лакрал район» МР-данул администрациялул коллегия.

Гуртту хъунни райадминистрациялул зузалт, Лакрал ва Ккуллал районан цацлусса прокурорнал буржру битур буллалисса А.А.Оьмаев, МВД-лул «Лакский» отделедалул начальникнал буржру биттур буллалисса С.М.Рамазанов, Ккуллал райондалийсса Роспотребнадзорданул ТУ-лий каялушиву дуллалисса Л.Х. Сулайманова, цаппара шярваллил администрациярдал баклчитал ва цаппара идарарттай каялушиву дуллалими.

Къинилул масъалартту укунсса хъуна:

1. Райондалул шярваллавусса агъалинал ичлура хъусса ххиличлурду дичлансса контейнерду бихълансса кланттурду баврия.

2. «Лакрал район» МР-данул бюджетравун, шярваллил бюджетирттаву

дучлан дайсса налогру ва налогру дакъасса доходру дучлан даврил тагъардания.

3. Цаймигу суаллу.

Цалчинмур масъала аьч буллай Л.Сулаймановал клици бунни райондалий коммунал ххиличлурду датлавлрил, ми аьркинин духхаврил тагъар ххуйсса дакъашиву.

Мунил, мукунма бувсунни цуппа шярваллавух занай, ххалбигъавуртту дуллалисса члумал шярваллил баклчитал къаляквъушиву давурттай къабивклшиву. Мунияту цинциру, ххиличлурду цацлун хъанхъаврил, ми багъайнин духхаврил даврил хъирив лаян балжину къавхъушиву. Амма пъякъ бивклун члалай бушиву чапалшивуртту, цинциру къакъравун, хладур къабувсса кланттурдайн дичлай бушиву. Мич-

ча къуцуртту, цайми затру мурчал ласлай, глабият чапал дуллай, гъарал щинашчал неххардивун най душиву. Му тагъар душиву чляруми шярваллаву. Бувчин бунни чара бакъа цинциру дичай къуршив бишинсса кланттурду бувну къуртал бан аьркиншиву, бувсунни ми давурттал тлавлшинна-ягу.

Шярваллил баклчитал бувчин буллай бур клици ларгсса тагъарданушчал цивпагу рязину бакъашиву. Амма, миккува гъаз хъанай бур суаллу циванни хлакьинусса кынигу региондалул оператор къазузисса, райондалия ичлаллил ххиличлурду мунил къатлув къахлаххисса.

Ххиличлурду аьркинин ххилан цанма багъларча, цинци дичай кланттайн дичирча багъа булун багълагъисса иш бушиву ва м.ц. Диялсса шярваллавун лавсун бур цинцил кон-

тейнерду, личли дурну дур ми бишинсса аьрцигу. Амма ва даву гъарца кланттай дан дур.

Райондалул прокурор А.Оьмаевлул бувчин бунни хлакьину ххалбигълагъисса масъалалул агъамшиву хъинну хъуннасса хъанхъушиву, уттинингу му масъалалул прокуратуралул къулагъас дуллай бивклшиву, ванияр тихуннайгу хъиннура данглишиву. Цинциру ччи-ччиний хъун къадитаврил, ми багъайкун занакъулу даврил законну къадуруччирча цуксса хъунисса аьчри дишайссаривгу. Мияжансар, региондалул операторнал масъала щаллу хъуну бакъар, амма жу лаласун аьркинссар СМИрдай, соцсетирдаву ва масъалалия чичлачимуних, бусласимуних. Члалай бур шярваллавусса агъалийгу ва чулухунмай биччи бакъа бушиву, - тлий ур прокурор.

Ихтилат бувсса райадминистрациялул баклчинал заместитель М.Макъсудовлул бувсунни хлакьину бивк-

лшиву РД-лул Хлукматрал чулухасса чагъар цийгу клици лавгун бушиву август зуруй щаллу хъанхъушиву республикалий ххиличлурду цацлун дуллансса хасъсса кланттурдансса аьрцив личли дуллалаву.

Хлакьину ххалбигълагъисса масъала щаллу булланшиврул райондалул аьрци цинцилая марци дансса санитар схема давриха цува зий ушиву, му дурну къуртал шавай душиву. Региондалул операторная полигондалул схема цукунсса дуссарив тлавл дан багълай бур, амма му минначла дакъар. Контейнерду бишинсса кланттурду бан итадаркъусса арцу шярваллил баклчитурул гъашину харж дан, даву дан аьркинссар, - тлий ур ва.

Клици ларгсса тлавлшинну, маслихлатругу хлисавравун ларсун администрациялул хлукму бунни:

-М.Ю.Макъсудовлул райондалул аьрци цинцилая марци даврин хасъсса схема дурну къуртал даврил ялув ацлан.

(Ахир 2 лаж.)

Райондалул администрациялун амруду

2020ш. 19 март №63-р

Райондалий ялапар хъанахъисса личи -личисса миллатирттал культура, багъу-бизу хъхъичунмай ва гъарта бан, миннал дянивсса дусшиву цала-цала динну бавкъуну дачин даву ларай даншиврул ва дуруччиншиврул сакин бан «Лакрал район» МР-данул ва миллатирттал вакилтурал дянивсса ара дачин давриха зунсса Совет.

Советравун бухлахиссар укунсса вакилтал:

МахIаммадов Ю.ХI. - райондалул бакIчи, Советрал председатель.

Макъсудов М.Ю. - райондалул бакIчинал заместитель, Советрал председателънал заместитель.

Гадаев М.А. - «Лакский район» МР-данучIасса АТК-лун аппаратрал начальник, Советрал пред.заместитель.

Нажаева П.А. - «Лакрал район» МР-данучIасса административ комиссиялун секретарь, Советрал секретарь.

Дандамаев Къ.С. - кадрардалсса ва юридический масъалартталсса буллалисса отделданул начальник.

Магъдиев Д.М. - райондалул бугъараминнал советрал председатель.

ХIамзаев Я.М. - дуккаврил управлениелул начальник.

ХIусманов М.А. «ЦК, МП, С, Т и ЦБС» МКУК-лун директорнал заместитель.

Мусалаев М.М. - «Ххяххабаргъ» кказитрал хъунама редактор.

ХIажиев С.ХI. ветерантурал Советрал председатель.

Бариев М.Б. - Лакрал райондалул имам.

Советрал даву дачин дан мунин хасну сакин бувсса положениелин бувну, цувгу цIакъ бувсса «Лакрал район» МР-данул администрациялун нанисса шинал 17-мур февральданий 16-мур номерданилу.

Наркотикирттайн къарщисса комиссия

30 март 2020 ш. №32-р

ЗакондалуцIун къабавкъуну наркотикру дусса затру ва аькьлу-кIулши зия дайсса (психотронный) затру дахлахаврин, ишла дуллалаврин Лакрал райондалий ххуллу къукьиншиврул ва комиссиялун чIявуми члентал лавгун буну:

1. «Лакрал район» муниципальный райондалул наркотикирттайн къарщисса комиссиялун сияхIцIакъ дан укунсса:

1.МахIаммадов Юсуп ХIамидлун арс - «Лакрал район» МР-данул бакIчи, **председатель.**

2.Рамазанов МахIаммад Саэдлун арс -Аьрасатнал МВД-лун муниципалитетирттал дянивсса РД-лун отделданул начальник (маслихIатрайн бувкIун), заместитель.

3.Макъсудов Макъсуд Юсуплун арс - «Лакрал район» МР-данул администрациялун бакIчинал заместитель.

4.Дандамаев КъурбанмахIаммад Сократлун арс - юридический масъалардалсса ва давурттай инсантал битаврилсса байсса отделданул начальник, комиссиялун секретарь.

5.Дибиров АьвдурахIим Дибирдун арс - «Лакрал ЦРБ» ГБУ-рал хъунма хIакин.

6.ХIамзаев Явсупи МахIаммадлун арс - образованиелун управлениелул начальник.

7.ХIусманов Малик Амирханнул арс - «Лакрал район» МР-данул, ЦК, МП, С, Т ва ЦБС» МКУК-рал директорнал зам.

8.ХIажиев Сулайман ХIажинал арс - Лакрал райондалул ветерантурал советрал председатель.

9.Гадаев МахIаммад Аьлил арс - «Лакрал район» МР-данул АТК-лун аппаратрал начальник.

10.Майранова Загъидат МахIаммадлун душ -балугъравун къабивминнал иширтталсса байсса ва миннал ихтиярду дуруччайсса комиссиялун секретарь.

11.Мусалаев Мусалав МахIаммадлун арс - «Ххяххабаргъ» казитрал редакция» МКУ-рал хъунма редактор.

2.Комиссиялун цила давриву дуручлан 2018 шинал мартрал 21-ний «Лакрал район» МР-данул бакIчинал цIакъ бувсса низамрай №13.

3.2018 шинал мартрал 30-ний бувсса №30-р амру гужрава бувкшиврун ккалли бан.

Ю.ХI.махIаммадов,
«Лакрал район» МР-данул бакIчи.

Росгвардия

Инсантурал ярагъ ябайсса ва лавсун занан бикIайсса низам

Аьрасатнал Федерациялун инсантурал ярагъ ва ккулларду ябуллан аьркинсар ми цивппа яхъанахъисса кIанай, ми ябан бюхъансса, щинчIав нигъачIаву къадикIансса ва ми щичIав ласун къахъунсса шартIругу дуруччуну, къункъула дишайсса сефраву ягу муххал шкафраву, хъинну къанкъасса материаллая бувсса ящикраву ягу ялтту мах дуркьусса тIаннул къуршаву.

Ярагъуннил заллукъру яхъанахъисса кIанайсса виваллил иширтталсса байсса органнахъ ихтияр дуссар цала регистрация дурсса ярагъ ябуллайсса шартIру ххалдигълан.

Инсантурал, цивппа чIумуйсса бувкIун, яхъанахъисса кIанай ярагъ ва ккулларду ябуллан аьркинссар ми ярагъ цайми инсантурахъхъун бириян къабюхъайсса кIанай.

Лахъисса лула бусса ккулла битайсса ярагъ лавсун занан аьркинссар мунил къатлува

бувккун, ккулларду бивхъусса «магазиндалушчал» ягу «барабандалушчал», «предохранительданийгу» бивхъуну. КутIасса лула бумур ярагъ тIурча - къатлуву ягу къуцурттуву бивхъуну мува куцуй.

Ккулла «патронникравун» гъан бан ихтияр дуссар, анжагъ ярагъ ишла бан чарабакъа багълай бухурча ягу оьрму, цIуллушиву ва инава заллусса хъус дуруччин, мюхчан хъун багълай бухурча, ягу ишла къабувну къабучIисса тагъар духурча.

Мукунма баян буллай буру, машан лавсъсса ярагърал регистрация дан багъайшиву лицензия ларсъсса кIанай, ярагъ машан лавсъсса къинилия кIира нюжмардун муталий. (Ярагъгу му чIумал зуцала бикIан аьркинссар ххалбигъиншиврул).

ДакIнийн бутлай буру, ярагъ ябан ва лавсун занан ихтияр дуллусса чIун къуртал хъун ца барз личIаннин аьркиншиву инсаннал регистра-

ция дурсса кIанайсса ЛРР-данул отделениелин биян бан ихтияр дуллусса чIун лахъи дансса аьрза ва мунин аьркинсса документру.

Ярагъ ябуллан ва лавсун занан ихтияр дуллусса чIун зия дарча, ишла бантIиссар административный асар биян байсса ххуллурду (инсаннай дишайссар административный аьчIа шан азарунния ххю азаруннин дияннинсса къурушрал, ярагъгу, мунил ккуллардугу зевххуну, ягу административный журалий дуснакъ айссар ххюва гъантIуя ацIния ххюва гъантIуин дияннинсса чIумуйсса, ярагъгу, мунил ккуллардугу зевххуну).

Регистрация дурсса ярагъ закондалул ккаккан къабувсса ххуллий ишла барча, мукунсса инсантал кIункIу бантIиссар уголовный жаваблувшиндарайн.

РД-лун Росгвардиялун Управлениелул Лавашавсса МРО.

...агъамсса масъалартту ххалбигълай

(Дайдихъу 1 лаж.)

-Шяраваллал бакIчитуран: -цала-цала муниципал сакиншиндарал аьрщарайсса шяравалурду цIинцIацIа марцI дансса санитар схемарду дан;

-контенерду бишинсса кIанттурду бан итадаркъсса

арцурду август зуруй давуртан ишла дурну къуртал дан. Ми бишинсса кIанттурдал хIакъираву хIисавравун лавсун райондалий ва иширтталсса буллалисса муданмасса комиссиялун ккаккан буллалимур.

-коммунал ххиличIур-

ду дичлансса контейнерду къалавснал лавсун къуртал бан;

-региондалул операторнал масъала ца чулин багъаннин цIинцIура цачIун дуллансса кIанттурду личIи бан, гихунмай мичча хасъсса полигондалин духхиншиврул.

Субботник дурунни

«Солнышко» детсад оьрчIру къамул бан хIадур хъанай, муниву узиминнал дурни субботник, детсадрал лагмасса кIанттурду, хъю, ахъ марцI буллалисса.

ЧIатри, ххялаххивгу кIунттил дургъуну,


миннал бакьин бувни, марцI бувни тIутIив дургъусса марсса, каза бувни дургъумунил лагма, аьркин дакъасса уртту риртунни.

Утти, мюрщи оьрчIру бучIайхту, ми ххари бантIиссар шикку ххярхсса тIутIал, миннаца бюхъантIиссар марцIсса хъюву гъавалий тIуркIу бан.



Инишавгу бувкун бия шагъурдая, арнил минардая тамансса жагилтал ва бугъара хьуми. Бучлаврил къастгу оьнма бигъалагансса дакъая, шяравалу цлудуккан данссагу, шяраву хъунбакъассагу мизит бансагу дия.

-Хлакьинусса къини цацава бюхъайми бувкун ва кланайн, буттал шяравун, чларав бавцлуну, кумат буллай бур ва жула шяраву мизит бан, -тлий ур жагилминнашал зузисса ца угъарачув. -Шяравун увкисса инсаннал: «Зучла чак чув байссар? - тлий, къацлукланшиврул, жул хъунмасса умудгу бур, тавакьюгу бур, гъарца инсаннал цала чулуха дан шаймур дурну, арцуйну, захматрайну, чла-



Буттахъал шяравалу цлудуккан дуллай

Августрал 2-ний Инишиял шяраву хъунни шагъурдая буттал шяравалу цлудуккан дан бувкисса жяматрал субботник. Цана чан-чанну тлий, хлаллицлук, райондалийва яхъанахъиминнан хаваргума бакъа, къадиртун диркисса, духлагавай диркисса райондалийсса цаппара шяраваллурдаву къатри дуллай, мизитру буллай, цала буттахъал минарду ччаннай дацлан дан хларачат буллай бур.



бучларчагума, буттал клану авадан хъунтиссар, тлутлайх бичинтиссар.

Шяраву цаппараннал дурну дур цлусса ххуйсса къатри. Хъун ххуллия шяравун бияннинсса ххуллугу бакъин бувну бур. Шяравалу цлудуккун душиву члалай бур ххуллучла дацлан дурсса «Иниша» тлий чивчусса ххуллул лишаннайнугу.

Буттал миналин жагилтал бувкун бия тамансса. Бугъараминнашал ми циняв бухъунссия къуяксса инсан. Цацала бувцун бия цаппараннал мюрщисса оьрчлругума. Сагъсса, цлусса, инсатал бацансса, яхъанансса къатри шикку диялсса дур. Вай цалчин бувкун члалай бакъар сагъсса къатрайнугу, мизитрал гъанурдугу бивзун, чирттугу ца метралул гъаз баврийнугу. Лавайми чиртту бансса ахъушиял чарттугу бивчун хладурну бур.

Алагънал Идавс Мухлмамдлул (с.аь.вс.) куну бур: «Къакъунттул кюрукссавагу мизит бувманан Аллагу Таъланал Алжаннуву къатри дантиссар», -куну. Вихшала дишинну, буттал шяраву



рав бавцлуну, члун-члумук кувнал кувнайн оьвкуну, сакиншинна дурну, жуцава бюхъаймур бувну, ва жува дуллалисса даву баклуйн дуккан дан.


Мяйжаннугу, жагилми, ца кланай къабавцлуну, хлала бувххун булувкъуну бия хлатталлил, мизит буллалисса кланттул лагма бургъурдал ттарцлругу рирщуну, клунудул къери дах-



лай, шяравун биян бувсса кляла чару цлуну буллалисса мизитрал чирттацлан бичлай, щинаххуллу марцл буллай...

-Ва цлуну буллалисса мизитрацал жула Иниши-

ял шяравалу цлудуккан тлисса умуд бур, -тлий ур цама угъарачув. -Шяравун ххуллу бувни. Тти къаст дур щингу дурцуну, яхъанансса шартлру цлудулаган дан. Хъунмасса барчаллагъ учин ччай бур укунсса дайди хъу дурсса вай жула жагилтурахъ. Шаймур, бюхъ-



аймур жу, хъуниминналгу банну, чларав бацланну, каялушиву данну. Цлудулушиву дулуннав жамятрахъхъун ва дуллалисса даву баклуйн дуккан дан.

-Жагилтурахъхъун цлудулушиву дулуннав ва дайди хъу дурсса, -тлий ур цамагу угъарачув. -Молодцы! Зул



сипта гихуннайгу дацлан къадурну, дачин дантиссар.

-Бургила, оьрчлрув! -тлий ур цувагу жагилминнашал зузисса ца ттигу угъарачув. -Ва дунияллий дусса неъмат -ватанни! Лакку кланури! Лакку билаятри! Я раппи, зу битаннав Алагънал Лаккуйсса гъавалиягу, лухччи-



ниягу, хъуруннаягу неъмат ласлай. Зу дуллалимур баклуйн дукканнав, дузрай дацланнав, даканиймур бартлаганнав! Ва лакрал билаятрайн зу буклайнма личланнав. Шинай цал, клийла

мизитгу буллалисса, щингу дуцлацисса Инишиял жагилтуран ва бугъараминнангу Залнал Алжаннуву мина хладур дурну душиврийн.

И.Мюртазалиев.

К1улшивурттал кьинилин х1адур хъанай

Ц1ана шала Аьрасатнаву най дур «Кумаг бува дуклан гъан» т1исса акция. К1улшивурттал кьини дуч1аннин, му акциялуву гуртту хъанай, райондалийсса паччах1лугь-рал идаратгал цаппара зузалтрал кумаг бувни район-далийсса маэшатрал к1юласса цаппара кулпатиртган.

Му ишираву гуртту хъунни социальный чу-луха агъали буруччайсса Управлениелул специ-алист Ч.Чалавиев, МВД-лул отделданул балугь-равун кьабивминнал иширтгалсса байсса ин-спектор Н.Х1усайханов, шаппа-шаппа оьрч1ан ва оьрч1ру бусса кулпатирт-тан социальный т1алав-шинну щаллу дайсса от-делениелул заведующий Р.Жабраилова, мура от-делениелул социальный педагог К.Михитаева, балугьравун кьабивмин-нал иширтгалсса байсса ва миннал ихтиярду ду-руччайсса райондалул комиссиялул секретарь З.Майранова.

«Кумаг бува дуклан гъан» т1исса акция са-кин бувну бур ва бачин буллай бур социальный

кумаграх мюхтажсса оьр-ч1ру бусса кулпатру ялун личин бансса кьасттирай дуккавил ц1усса ши-найн х1адур хъанах1исса

пурттуву. Райондалийс-са мукунсса кулпатиртга-ч1ан биллай, профилак-тикалул даву дачин дурну, мукунсса кулпатиртгал ялун бавц1уну, миннан лич1и -лич1исса кумагру буллай бур.

Ва журалул даву ч1ун-ч1умух дуллай, гихунайгу лахъи лагант1ий дур



2020-8-6 11:20

Московуллал мэрнал барчаллагьран лайкь хъунни

Цала оьрмулунгу, ц1уллу-сагъшиврунгу нигъач1исса шарт1ирдай коронавирusrал инфекциялушал талай, лич1и -лич1исса наградартган лайкь хъусса х1акинтураву чансса бакъар жула лакгу. Миннавух бур Ч1урттагъатусса Эльдардул ва Гьумучасса Дездемонал душ Миясат Къу-шиевагу. Московуллал мэр Сергей Собяниннул чулуха ванийн бувк1унни Барчаллагьран чагъар

2003-ку шинал Миясат-лул кьуртал бувну бур Гьу-мучийл лицей музил ме-дальданушал. Мура шинал бувххун бур Дагъусттаннал медициналул академиялул «Лечебное дело» факуль-тетраин. Хъхьич1унну дукла-кавриц1ун, Миясат хъун-насса гурттушинна дуллай бивк1ун бур жяматийсса давурттаву. Ва бия курсрал староста, республикалул жа-гьилтурал комитетрал член.

Вузгу Ят1ул дипломрай кьуртал бувну, 2009-2011 шиннардий ванил бувккуну бур терапиялул ординатура Московлив Н.И.Пироговлул ц1анийсса медициналул университетраву. Мунияр махъ, 2017-ку шинайн биян-нин, зий бивк1ун бур Пуль-манологиялул НИИ-лул клиникалул лабораториялу-ву.

2011 шиная байбивхъуну Московуллал университе-трал ва ИБХФ-рал (Биохи-миялул физикалул институт) аьлимтуращал чач1у Миясат зий бур элмийсса давуртта-хагу. Ац1инияхъайсса шинну

гъаз баву мурадрай, Миясат гуртту шай Дунияллул хал-кьуннал дянивсса элмийсса конференциярттай.

Ультразвукрал диагности-калуву ванил ишла дуллай бур ц1у-ц1усса кьайдарду.

Коронавирус-рал пандемиялул ч1умал Московуллал Ц1уллу-сагъ-шиву дуруч-чаврил депар-таментрал, лич1ину за-х1маг бакъами къашайшалтран онлайн -кон-сультациярду даву мурадрай, Телемедицина-лул центр зузи байхту, Миясат бивтссар ко-ронавирusrал къашаваймин-нащал зунсса хъунмур х1а-кинну.

-Азар куклу-ну ягу дянивну дирсса инсан-тал стационар-даний кьамул кьабарчагу, ми чара бакъа х1акиннал аякьа-лулу, х1акиннащал дах1аву дуну бик1ан аьркинну бия. Жу миннащал онлайн кьай-далил ц1ухху-бусу буллай,

консультациярду дуллай зий бивк1ру. Телемедициналул центр цила ч1умал т1ив-т1унни ва муния хъунмасса мюнпат хъунни. Карантин-далул ч1умал центрданул х1акинтураща, поликлини-кардайминнайн хъиннува гуж багълай буну, ч1явусса къашайшалт цайнма ласун буювхъунни. Хъхъу-кьини кьакуну зий, 70-ннайн дирс-са консультациярду гъант-лун дуллай бивк1ссару жу. Шанма зурул мутталий цен-трданул дистанционнайну хъин бувссар COVID-19 диагноз дусса 100 азарунния ливчусса инсантал.

Ц1уллу-сагъшиву дуруч-чаврил аралуву Телемеди-циналул лайкьсса к1ану бу-гъаншиву мийжан хъунни ва пурттуву, -т1ий бур Мия-сат.

Ва давриву Миясатлуша ккаккан бан буювхъунни цуппа лавайсса даражалул пишакар бушиву. Даврил уртакьтурач1а Миясатлул х1урмат хъунмасса бур. Ц1и-ми бусса, дак1 хъинсса буну т1ий ва ххирар цила аякьа-лийсса къашайшалтрангу.

Букъавсун кьабуч1ир, Ми-ясатлул нину Дездемонагу Лакрал райондалий ххуйну к1улсса х1акин бушиву. Ва буссия Лакрал райондалул азарханалул, мукунма ана-варсса кумаграл хъунмур х1акинну. Ц1анасса ч1умал-гу райондалул анаварсса ку-маграл х1акинну зий буссар.

А.Аьбдулаева,
«Илчи».

Учредитель:
Администрация
МР «Лакский район».
Учредитель:
«Лакрал район»
МР-далул
администрация

Главный редактор
М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора
Р. И. Джалаева
Тех. редактор
А. М.-Р. Абакаров

Адрес редакции, издателя:
368360, Республика Дагестан, Лакский район, с. Кумух, ул. Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала, пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 742 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный ПИ № ТУ05-00385

Позиция редакции может не совпадать с точкой зрения авторов, которые несут ответственность за достоверность о объективность представленных для публикации материалов.